

Dados relata 28 April 2021

SUMÁRIU

- Ministeriu Saúde relata tan kazu foun hamutuk **615** dezde kazu relata ikus iha loron (21.04.2021) – no lori totál kazu COVID-19 relata iha Timor-Leste hamutuk **2,124**. Kazu hotu-hotu identifika liu husi rastreiu kontaktu no teste masál no iha ligasaun ho kazu agrupamentu sira. Pasiante hotu agora tama baixa ona iha facilidade tratamentu no izolamentu iha Vera Cruz, Tasitolu, Tibar, Lahane no oteis ba izolamentu no sentru izolamentu seluk ne'ebé governu identifika.

To'o ohin loron, 27.04.2021 – Laboratóriu Nasionál Saúde hala'o ona teste COVID-19 **65, 835** inklui amostra sira ne'ebé rekolla husi rastreiu ba kontaktu iha munisípiu afetadu sira.

Ekipa vijilánsia sira halo ona investigasaun klean no rastreamentu kontaktu. Ba informasaun kompletu liután kona-ba kazu foun bele hare iha pájina Facebook Ministériu Saúde, [Palacio Das Cinzas](#)

- Hanesan parte ida husi responde ba COVID-19 no ba inundasaun foin lalais ne'e iha parte balun iha territóriu Timor, OMS lori ona ekipamentu no sasan ba emerjénsia nian hamutuk tonelada 13 ho aviaun ne'ebé aluga ho apoiu husi WFP. Aviaun ne'e mós lori ho PPE, ai-moruk ba emerjénsia nian, no *field deployment kits*, no ekipamentu sira seluk tan.
- Munisípiu hotu kontinua hala'o imunizasaun COVID-19. To'o ohin loron, vasina doze **27,640** maka administra ona iha territóriu hotu. Tuir informasaun husi terrenu, kada *vial* vasina bele vasina ema to'o nain 12. Faze dahuluk ba vasina ne'e ba pesoál saúde, pesoál liña frente no pesoál esensiál sira no faze ida ne'e besik remata ona.
- Alende responde ba COVID-19, Laboratóriu Nasionál Saúde mós asegura nafatin katak serbisu esensiál sira seluk kontinua lao. Atu haforsa liután kapasidade laboratóriu no rekursu sira, OMS fó apoiu hodi hadia Laboratóriu Parasitolojia nian no mós fornese ekipamentu esensiál sir aba LNS. Laboratóriu Parasitolojia ida ne'e sei iha papél importante ba halo konfirmasaun bazeia ba evidénsia iha prosesu eliminasaun no kontrole Moras Tropicu Abandonadu (NTDs) iha rai laran. Atividade hirak ne'e halo ho kolaborasaun no apoiu finanseiru husi KOICA.

SITUASAUN IHA NÚMERU

Totál no kazu (foun) iha Timor-Leste

2124 konfirmadu (foun **615**)

1020 recupera (foun **260**)

1104 kazu ativu

3 mate

(Bazeia ba dados ne'ebé públika iha [Ministerio da Saúde](#))

Tuir pájina WHO Timor-Leste [Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

SITUASAUN GLOBÁL

Totál kazu (foun) iha loron hitu nia laran

Globalmente

146 067 511 Konfirmadu (**5 695 277**)


3 092 497 Mate (**87 826**)

- Hanesan parte ida husi responde ba COVID-19 no inundasaun foin lalais ne'e, OMS serbisu hamutuk ho CVTL hala'o treinamentu kona-ba PPE ba voluntáriu nain 24 kompostu husi médiku, enfermeirus no paramédiku sira.
- OMS fó apoiu ba Health Emergency Operations Center (HEOC) iha Serviço Nacional De Ambulância e Emergência Médica hodi halo avaliasaun rápida ba facilidade saúde 25 iha Dili.




Data notifikasaun kazu foun no kumulativu COVID-19 iha Timor-Leste

(28-Apr-2021 : kazu foun-99 kumulativus-2048)



Teste Laboratoriu : COVID-19 Timor-Leste

(28-Apr-2021 : Kumulative figures)



Progress of the COVID Vaccination Campaign

as of 28/04/2021 5.00am

Number of Doses Received

24,000

Total Doses Administered

27,987

Doses Remaining


217

Average number of individuals
vaccinated per vial

12

Additional Persons
Vaccinated

4,204



Distribisaun tuir Munisipiu: Kazu pozitivu

Dili : 1720 | Munisipiu seluk : 328



Timor-Leste

OMS TIMOR-LESTE NIA OBJETIVU ESTRATÉJIKU

- Hapara moras da'et hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba Prevensaun no Kontrole Infesaun (PKI) ne'ebé rigorozu tebes no hasa'e kapasidade ba PKI nian;

- Identifika, izola no kuidadu ba pasiente; inklui fornese mós kuidadu óptimu ba pasiente ne'ebé infetadu;
- Halo sosialisasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
- Hamenus impaktu sosiál no ekonómiku liuhosi parseria multisetorál.

REKOMENDASAUN NO KONSELLU BA PÚBLIKU

Fase ita-nia liman beibeik

Fase ita-nia liman ho dezinfetante ka fase ho sabaun no bee

Tanbasá? Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

Mantein distánsia fíziku

Mantein distánsia fíziku pelumenu metru 1 (pasu 3) distánsia hosi ita nian a'an no ema seluk.

Tanbasá? Bainhira ema me'ar ka fani sira bele hada'et mós ho turuk-oan sai hosi sira-nia inus ka ibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

Uza maskára bainhira distánsia fíziku la posível

Tanbasá? Bainhira ita iha fatin ne'ebé susar atu mantein distánsia fíziku metru ida ka liu tanba fatin kloot, importante tebes atu uza maskára atu hapara transmisaun COVID-19 nian.

Evita ka'er ita nia matan, inus no ibun

Tanbasá? Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

Tanbasá? Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

Tanbasá? Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

Buka hatene informasaun no halo tuir konsellu ne'ebé pesoál saúde sira hatoo

Buka hatene nafatin informasaun ba deenvolvimentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasional no lokal, ka empregadór kona-ba oinsá atu proteje ita-nia an no ho ema seluk husi COVID-19.

Tanbasá? Autoridade nasional no lokal sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

Proteje ita nia an no sira ne'ebé ita hadomi hosi #COVID19:

- Taka ibun no inus bainhira me'ar
- Labele ka'er matan, inus no ibun
- Evita ba fatin públiku no limita tempu iha espasu ne'ebé taka metin
- Bainhira distansia fiziku la posivel, obrigatóriu ba ita atu uza maskára
- Mantein distánsia metru ida ka liu hosi ema seluk
- Hamoos beibeik objetu no fatin sira ne'ebé ita kaer beibeik
- Izola an hosi ema bainhira sente moras no buka tratamentu, bainhira presiza

Ba matadalan kona-ba medida preventiva seluk disponivel iha [ne'e](#).

Informasaun COVID-19 Information no kontaktu média:

- Ministériu Saúde estabelese ona número *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
- Alende ne'e, [Pájina Facebook MS](#) nian fornese atualizasaun loloos kona-ba desenvolvimentu COVID-19 iha rai laran
- OMS Timor-Leste liuhosi nia [Pájina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba singhsho@who.int no hasane@who.int